

USARS uhlehlise usuku olungumnqamulajuqu lwesikhathi sokubuyisa amafomu entela

Tshwane, 23 kuLwezi 2021- UPhiko Lwemisebenzi Yemalingeniso Eqoqwayo LwaseNingizimu Afrika (uSARS) luthokoze kakhulu ngezimpendulo ezibuya kubakhokhintela asebethumele amafomu entela yemalingeniso yomuntu kusukela mhla lu-1 kuNtulikazi kulo nyaka.

USARS uthanda ukubonga laba bakhokhintela ngokuphendula kulokhu esikhlosile kokukhuthaza usiko lokuthobela ngokuzikhethela.

Kodwa-ke, ukuze sinike abanye abakhokhintela ithuba lokuthobela nokufeza izibophezelo zabo ngokomthetho, uSARS ozohlehlisa usuku olungumnqamulajuqu lwesikhathi sokubuyisa amafomu entela kubakhokhintela abangebona abesikhashana lusuke ku-23 kuLwezi 2021 kube umhla zi-2 kuZibandlela 2021.

USARS uyazi ngezingqinamba isikhungo esibe nazo kwezobuchwepheshe kanjalo nomthelela wokucishwa kukagesi ngenhloso yokuwonga obe khona kubakhokhintela okwenze ukuthi kube nzima ukuthumela amafomu abo entela.

Ngenxa yalokho, usuku okuzoqalwa ngalo ukuhlawulisa abakhokhintela abangawathumelanga amafomu abo entela nalo luzolulwa luqale ukusebenza kuMasingana wezi-2022.

Sinxusa abakhokhintela ukuba basebenzise imigudu yethu yedijithali elula, okuyi-eFiling, SARS MobiApp kanjalo nosizo lwe-SMS olunombolo ethi 47277. Ngokuthumela umyalezo omfishane i-SMS kule nombolo, abakhokhintela bangakwazi ukubeka usuku egatsheni lakwaSARS, babheke ukuthi sikhona yini isidingo sokuthi babuyise amaphepha entela baphinde bathole nolunye usizo.

Isizindalwazi sakwaSARS naso silungisiwe ukuze abakhokhintela bakwazi ukuthola usizo oluningi ngedijithali. Ngolwazi olwengeziwe ngalolu sizo, vakashela ku www.sars.gov.za

USARS usazinikele ekwenzeni kube lula kubakhokhintela ukuba bahlangabezane nezibophezelo zabo ngokomthetho futhi uyethemba ukuthi ukwelulwa kwesikhathi sokubuyiswa kwamafomu entela kuzogququzela abakhokhintela abaningi ukuba bathobele.

Ngolwazi olwengeziwe, sicela uxhumane nabakwaSARS ku-SARSMedia@sars.gov.za